

CRITERIOS SOBRE A AVALIACIÓN, CUALIFICACIÓN E PROMOCIÓN DO ALUMNADO

Lingua Galega e Literatura

CRITERIOS DE CUALIFICACIÓN NA ESO

1. Probas obxectivas	60 %	Farase, como mínimo, unha proba escrita en cada avaliación sobre os contidos de lingua e literatura. A nota das probas obxectivas calcularase facendo a media aritmética de ditas probas. As incorreccións gramaticais e ortográficas descontarán puntuación.
2. Oralidade	15 %	A nota da oralidade obterase a partir das intervencións orais espontáneas (valorarase a participación activa nas aulas), traballos de exposicións e probas específicas.
3. Lecturas	10 %	O alumnado debe ler unha obra literaria en cada avaliación, que será avaliada mediante un control de lectura (escrito ou oral) ou un traballo proposto. Estas probas valorarán a comprensión da obra e a expresión escrita ou oral á hora de comentala. Co fin de fomentar a lectura, poderanse facer lecturas voluntarias, que serán valoradas positivamente: outorgarase ata 0'50 puntos por lectura, permitíndose ata un máximo de 1 punto en cada avaliación, que só se suman a partir do 4,5.
4. Intervencións voluntarias, resolución de exercicios, traballos.	15 %	Valorarase a participación na aula: a atención ás explicacións; a realización adecuada das tarefas encomendadas, a intervención activa na resolución de exercicios e cuestións na aula (ou nos foros e videoconferencias, se fose o caso).

CUALIFICACIÓN TRIMESTRAL, RECUPERACIÓN E CONVOCATORIAS ORDINARIA E EXTRAORDINARIA NA ESO

- A nota de cada unha das tres avaliacións será a suma de todas as porcentaxes anteriores. Para acadar o 5 en calquera avaliación, o resultado da proba escrita non será inferior a 4.
- No caso de que un alumno/a non supere a proba escrita e a cualificación da avaliación non se vise compensada cos outros instrumentos de avaliación, poderá facer unha proba de recuperación ao final do curso. Esta nova cualificación é a que se terá en conta para calcular a nota media na convocatoria ordinaria. Se non conseguise recuperar a materia pero si superar a nota obtida na avaliación ordinaria, terase en conta a nota máis alta para calcular a media dos tres trimestres a final de curso.
- A cualificación final da convocatoria ordinaria obterase da media das tres avaliacións. Considérase aprobada se o alumno/a consegue un mínimo de 5 puntos.

- Na convocatoria final realizarase unha única proba escrita sobre os contidos traballados durante o curso. Esta proba apróbase cun mínimo de 5 puntos.

Consideracións relativas á corrección lingüística na ESO

Nas probas escritas poderá descontarse por erros ortográficos e gramaticais como os seguintes: uso de tempos verbais compostos, mala colocación do pronome persoal átono, solucións ortográficas contrarias á norma lingüística (*b/v, h, y...*) , acentuación diacrítica e non-diacrítica, solucións alleas ao estándar vixente etc.

CRITERIOS DE CUALIFICACIÓN EN 1º BACHARELATO

1. Probas obxectivas	70 %	Farase, como mínimo, unha proba escrita en cada avaliación sobre os contidos de lingua e literatura. [As incorreccións gramaticais e ortográficas descontarán puntuación.]
2. Oralidade	10 %	Actividades propostas e oralidade. Traballo diario na aula.
3. Lecturas	10 %	O alumnado debe ler unha obra literaria en cada avaliación, que serán avaliadas mediante un control de lectura (escrito ou oral) ou un traballo proposto. Estas probas valorarán a comprensión da obra e a expresión escrita ou oral á hora de comentala. [Co fin de fomentar a lectura, poderanse facer lecturas voluntarias, que serán valoradas positivamente: outorgarase ata 0'50 puntos por lectura, permitíndose ata un máximo de 1 punto en cada avaliación.]
4. Traballo diario e actividades na aula	10%	Recollida de traballo diario, observación do alumnado e participación na clase.

CUALIFICACIÓN TRIMESTRAL, RECUPERACIÓN E CONVOCATORIAS ORDINARIA E EXTRAORDINARIA EN 1º BACHARELATO

- A nota de cada unha das tres avaliacións será a suma de todas as porcentaxes anteriores.
- No caso de que un alumno/a non supere a proba escrita e a cualificación da avaliación non se vise compensada cos outros instrumentos de avaliación, poderá realizar unha proba de recuperación. Para considerarse superada debe obter 5 puntos ou máis. De acadar unha cualificación superior, aínda que non chegue aos 5 puntos, esta nova cualificación é a que se terá en conta para calcular a nota media na convocatoria ordinaria.
- Ao longo de cada trimestre realizaranse dous exames escritos para avaliar se o alumnado acadou con éxito os obxectivos sinalados en cada avaliación, que

computarán por igual na porcentaxe global. Para poder facer media en 1º BAC a nota non debe ser inferior a 4 sobre 10 en calquera das probas. Os trimestres non superados poderanse recuperar nun exame final no mes de maio.

- A cualificación final da convocatoria ordinaria obtense da media das tres avaliacións. Considérase aprobada se o alumno/a consegue un mínimo de 5 puntos.
- Na convocatoria extraordinaria realízase unha única proba escrita sobre os contidos traballados durante o curso. Esta proba apróbase cun mínimo de 5 puntos.

CRITERIOS DE CUALIFICACIÓN EN 2º BACHARELATO

1. Probas obxectivas	80 %	Farase, como mínimo, unha proba escrita en cada avaliación sobre os contidos de lingua e literatura. [As incorreccións gramaticais e ortográficas descontarán puntuación.]
2. Traballos, oralidade e actividades diarias na aula	10 %	Actividades propostas e oralidade. Traballo diario na aula.
3. Lecturas	10 %	O alumnado debe ler dúas obras literarias en cada avaliación, que serán avaliadas mediante un control de lectura (escrito ou oral) ou un traballo proposto. Estas probas valorarán a comprensión da obra e a expresión escrita ou oral á hora de comentala. Co fin de fomentar a lectura, poderanse facer lecturas voluntarias, que serán valoradas positivamente: outorgarase ata 0'50 puntos por lectura, permitíndose ata un máximo de 1 punto en cada avaliación.

CUALIFICACIÓN TRIMESTRAL, RECUPERACIÓN E CONVOCATORIAS ORDINARIA E EXTRAORDINARIA EN 2º BACHARELATO

- No **segundo curso de Bacharelato**, por mor de se orientar cara ás probas ABAU, as porcentaxes mudan verbo das utilizadas na ESO e en 1º de Bacharelato. Haberá cando menos un exame por trimestre (en caso de haber dous ou máis exames por trimestre contéplase a media aritmética) e dúas lecturas. As probas escritas sobre os contidos da materia suporán así o 80% do peso na nota final do trimestre, os traballos e actividades diarias xunto coas probas das lecturas suporán o 20% restante. A nota final ou ordinaria coincidirá coa tirada no terceiro trimestre.
- A nota de cada unha das tres avaliacións será a suma de todas as porcentaxes anteriores. Para acadar o 5 en calquera avaliación, o resultado da proba escrita non será inferior a 4.
- No caso de que un alumno/a non supere a proba escrita e a cualificación da avaliación non se vise compensada cos outros instrumentos de avaliación, poderá realizar unha proba de recuperación. Para considerarse superada debe obter 5 puntos ou máis. De acadar unha cualificación superior, aínda que non chegue aos 5 puntos, esta nova cualificación é a que se terá en conta para calcular a nota media na convocatoria ordinaria.
- A cualificación final da convocatoria ordinaria obtense da media das tres avaliacións. Considérase aprobada se o alumno/a consegue un mínimo de 5 puntos.

Para o cálculo da cualificación ordinaria do curso, farase a media aritmética das notas medias dos tres trimestres.

- Na convocatoria extraordinaria realizarase unha única proba escrita sobre os contidos traballados durante o curso. Esta proba apróbase cun mínimo de 5 puntos.

Consideracións relativas á corrección lingüística en Bacharelato

Nas probas escritas poderá descontarse ata un 20% da cualificación da devandita proba por erros ortográficos e gramaticais. Descontaranse os puntos seguindo os criterios estipulados pola Ciug para a ABAU.

■ CONSIDERACIÓNS PARA ESO E BACHARELATO

● Consideracións relativas ás lecturas voluntarias

Co obxectivo de fomentar a lectura, o alumnado poderá facer lecturas de carácter voluntario acordadas co profesor ou profesora. Estas lecturas poderán incrementar a nota final da avaliación: outorgarase ata 0'50 puntos por lectura, permitíndose ata un máximo de 1 punto en cada avaliación, que se sumará só se o alumno/a obtén unha media non inferior a 4,5 puntos.

A avaliación destas lecturas voluntarias realizarase mediante un control de lectura (escrito ou oral) ou un traballo.

● Consideracións relativas á non-asistencia aos exames e á actitude durante as probas

A non-asistencia a calquera das probas previamente fixadas, orais ou escritas, deberá ser xustificada con xustificante médico ou similar de carácter oficial ou a través dun escrito dos pais/nais e/ou titores legais.

No caso de sorprenden un alumno/a copiando, por calquera medio, ou colaborando activamente para que un compañeiro/a copie durante a realización dunha proba, anularase a pregunta concreta na que foi sorprendido copiando e, de ser o caso, retiraráselle o exame, e terá que recuperar esa parte da materia.

● Consideracións relativas ao acceso a E-Dixgal

E-Dixgal permite a descarga dos materiais nos ordenadores persoais do alumnado. No caso de que este último non teña acceso a Internet no seu domicilio deberá descargar os materiais no centro educativo. É responsabilidade dos alumnos e alumnas a súa descarga polo que non se repetirán probas por problemas de acceso a Internet.

RECUPERACIÓN DAS MATERIAS PENDENTES DE CURSOS ANTERIORES

Aqueles/as alumnos/as que promocionaron ao curso seguinte pero non aprobaron a materia de Lingua Galega e Literatura serán obxecto, ao longo do curso, dun seguimento levado a cabo polo profesor ou profesora do Departamento que imparta a materia no grupo-clase ao que pertence o alumno/a. Este profesor ou profesora informará ao alumnado sobre:

- as diferentes vías para aprobar a materia pendente,
- quen vai ser o/a responsable da avaliación,
- que contidos se van esixir,
- que actividades concretas debe realizar e en que prazos,
- cales son as datas previstas para a realización das probas.

Alumnado da ESO coa materia pendente

Aqueles alumnos e alumnas da ESO que teñan a materia pendente dun curso anterior poderán superala por medio dalgún dos tres procedementos seguintes, que non son excluíntes:

1. Realización de dúas probas parciais a partir dunhas actividades realizadas previamente.

Cada profesor/a entregalle ao alumnado que teña coa materia pendente nos grupos en que imparte docencia material de traballo tomando como base os obxectivos, estándares de aprendizaxe e mínimos esixibles indicados na correspondente programación de cada nivel. Este material estará dividido en dúas partes. O alumnado realizará este traballo, que será supervisado periodicamente polo profesor/a, e entregarao completamente feito nun prazo indicado: o primeiro grupo de actividades, no mes de xaneiro, á volta das vacacións de Nadal; e o segundo grupo, á volta de Semana Santa, no mes de abril.

Finalmente, o alumnado realizará dúas probas parciais escritas baseada nas actividades realizadas en cada unha das partes (en xaneiro e en abril). A nota final será a cualificación media das dúas probas; considérase a materia aprobada se se acada un mínimo de 5 puntos. A cualificación seralle comunicada á xefatura do departamento para que conste na acta de avaliación correspondente.

O alumnado que supere a materia por esta vía non terá que presentarse á proba final que se explica no punto 3.

2. Aprobando as dúas primeiras avaliacións do curso actual. Posto que esta materia ten contidos progresivos, aquel alumnado que aprobe as dúas primeiras avaliacións do seu curso actual, considerarase tamén aprobado na materia pendente. A cualificación será a media das cualificacións obtidas nesas dúas avaliacións.

3. Proba final no mes de xuño. En caso de non aprobar a materia polas anteriores vías, o alumnado poderá realizar a correspondente proba final única no mes de xuño. No que se refire aos contidos, criterios de avaliación etc. de cada nivel, remitimos ao establecido e indicado na correspondente programación dos respectivos cursos. Considérase aprobada a materia pendente se se acada un mínimo de 5 puntos.

Alumnado de Bacharelato coa materia pendente

O alumnado de 2º de Bacharelato coa materia pendente de 1º curso poderá superar esta materia mediante os seguintes procedementos:

1. Realización de dúas probas parciais. O alumnado realizará dous exames parciais, un en xaneiro e outro en abril. A nota final será a cualificación media das dúas probas; considérase aprobada a materia pendente se se acada un mínimo de 5 puntos. O alumnado que supere a materia por esta vía non terá que presentarse á proba final que se explica no punto 3.

2. Aprobando as dúas primeiras avaliacións do curso actual. Posto que esta materia ten, aínda que non plenamente si maioritariamente, contidos progresivos, aquel alumnado que supere a materia de Lingua Galega e Literatura de 2º Bacharelato na primeira e na segunda avaliación considerárase que tamén aprobou a materia pendente de 1º Bacharelato. A cualificación será a media das cualificacións obtidas nesas dúas avaliacións.

3. Proba final no mes de maio. En caso de non aprobar a materia pola anteriores vías, o alumnado poderá realizar a correspondente proba final única, establecida para o mes de maio pola xefatura de estudos. En canto aos contidos, mínimos esixibles, criterios de avaliación etc., remitimos á correspondente programación de 1º de bacharelato. Considérase aprobada a materia pendente se se acada un mínimo de 5 puntos.